

Ministarstvo unutrašnjih poslova Kantona Sarajevo, ulica La Benevolencija broj 16, koje zastupa ministar, Admir Katica, (u daljem tekstu Kupac)

i

„R&S” d.o.o. Sarajevo, ul. Igmanska bb, ID broj 4200056290005, koje zastupa izvršni direktor, Damir Pahor (u daljem tekstu: Dobavljač)

zaključili su:

UGOVOR O NABAVCI INFORMATIČKE OPREME LOT 3– DOKUMENT SKENERI

PREDMET UGOVORA

Član 1.

Predmet ugovora je nabavka informatičke opreme LOT 3 – Dokument skeneri, po provedenom konkurentskom zahtjevu za dostavu ponuda, na osnovu obavještenja o nabavci broj 1364-7-1-67-3-60/25 od 31.07.2025. godine i Odluke o izboru ponuđača broj 04-1-11-4-5072-4 od 28.08.2025. godine, a u skladu sa uslovima iz tenderske dokumentacije i ponudom dobavljača, broj 26821/25 od 14.08.2025. godine te održanoj e aukciji je sastavni dio ovog ugovora.

VRIJEDNOST I ROK ISPORUKE

Član 2.

Vrijednost predmetne opreme sa uračunatim PDV-om iz člana 1., iznosi: 4.446,00 KM. (četirihiljadečetiristotinečetdesetšest i 00/100 KM sa PDV-om).

Dobavljač se obavezuje da cijene iz Ponude neće mijenjati do isteka ovog ugovora.

Član 3.

Dobavljač se obavezuje da ugovorenu isporuku opreme izvrši u roku od 45 (četrdesetpet) dana od dana obostranog potpisivanja ugovora i prijema narudžbe.

U slučaju kašnjenja u isporuci roba, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1‰ (promil) naručene robe, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti robe koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Član 4.

Reklamacije na kvalitet Kupac može uložiti pismenim putem u roku od 8 dana od dana isporuke ugovorene opreme. Dobavljač se obavezuje da će reklamaciju na kvalitet riješiti u roku od 3 dana.

Garantni rok za isporučenu opremu za stavke iz Obrasca za cijenu ponude za LOT 3 je 12 (dvanaest) mjeseci od dana isporuke, a što se potvrđuje otpremnicom, potpisanom od strane Kupca.

NAČIN PLAĆANJA

Član 5.

Plaćanje se vrši u roku od trideset (30) dana od dana dostavljanja fakture.

Član 6.

Prodavac se obavezuje da će u roku od deset dana od dana obostrano potpisanog ugovora dostaviti garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

RJEŠAVANJE SPOROVA

Član 7.

Ukoliko poslije zaključenja ovog Ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i uticaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja, imperativne odluke vlasti i slično.

Strana u Ugovoru koja je pogođena višom silom, odmah će u pisanoj formi obavijestiti drugu stranu o nastanku nepredviđenih okolnosti uz prilaganje odgovarajućih dokaza.

Član 8.

Dobavljač se obavezuje da nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažovala komisija za nabavke, najmanje šest mjeseci po zaključenju ugovora, odnosno od početka realizacije ugovora.

Član 9.

Ugovorne strane su saglasne da sva eventualno sporna pitanja rješavaju dogovorom, štiteći obostrane interese.

U slučaju nemogućnosti zajedničkog rješenja eventualno nastalog spora, ugovorne strane priznaju nadležnost suda u Sarajevu.

ZAVRŠNE ODREDBE

Član 10.

Ovaj ugovor izrađen je u četiri (4) istovjetna primjerka, od kojih po dva (2) zadržava svaka ugovorna strana.

Član 11.

Ugovor stupa na snagu danom potpisivanja ovlaštenih predstavnika i traje do konačne realizacije ugovora.

DOBAVLJAČ
R&S
direktor,
Broj : 15/0/2025
Datum: 15.10.2025

MINISTARSTVO UNUTRAŠNJIH
POSLOVA KANTONA SARAJEVO
ministar, Admir Katica
Broj : 04-1-11-48672-8/25
Datum: 09.10.2025. godine